

Қарашығанақ мұнайгаз конденсаты кен орны мұнайын экспорттауды кедендік декларациялаудың кейбір мәселелері туралы

Күшін жойған

Қазақстан Республикасы Қаржы министрінің 2012 жылғы 11 маусымдағы № 294 Бұйрығы. Қазақстан Республикасы Әділет министрлігінде 2012 жылы 25 маусымда № 7750 тіркелді. Күші жойылды - Қазақстан Республикасы Қаржы министрінің 2020 жылғы 24 қыркүйектегі № 914 бұйрығымен.

Ескерту. Күші жойылды – ҚР Қаржы министрінің 24.09.2020 № 914 (алғашқы ресми жарияланған күнінен кейін он күнтізбелік күн өткен соң қолданысқа енгізіледі) бұйрығымен.

Кеден одағы Кеден кодексінің 372-бабына, Қазақстан Республикасы Үкіметінің 2011 жылғы 13 желтоқсандағы № 1525 қаулысымен мақұлданған Қарашығанақ жобасы бойынша реттеу туралы келісім ережелеріне сәйкес, **БҰЙЫРАМЫН:**

1. Құбыржол көлігімен өткізілетін және Атырау облысы арқылы экспортталатын Қарашығанақ мұнайгаз конденсаты кен орны мұнайгаз шикізатын кедендік декларациялау орны ретінде Орал қаласы бекітілсін.

2. Қазақстан Республикасы Қаржы министрлігі Кедендік бақылау комитеті:

1) осы бұйрықтың Қазақстан Республикасының Әділет министрлігінде мемлекеттік тіркелуін және оның бұқаралық ақпарат құралдарында ресми жариялануын қамтамасыз етсін;

2) осы бұйрық Қазақстан Республикасының Әділет министрлігінде мемлекеттік тіркелген күнінен бастап он күндік мерзімде бұйрықты тиісті аумақтық кеден органдарының назарына жеткізсін.

3. Осы бұйрықтың орындалуын бақылау Қазақстан Республикасы Қаржы вице-министрі Д.Е. Ерғожинге жүктелсін.

4. Осы бұйрық оның алғаш ресми жарияланған күнінен кейін қолданысқа енгізіледі және 2011 жылғы 14 желтоқсанда туындаған қатынастарға таратылады.

Қазақстан Республикасының

Қаржы министрі

Б. Жәмішев

